



SAKSPAPIR

Saksnr	Utval	Type	Dato
28/2021	Bygdeutviklingsutvalet	PS	16.11.2021

Sakshandsamar	Arkiv	ArkivsakID
Tore Henrik Øye	FE-231	21/1274

LØYVING AV BYGDEUTVIKLINGSMIDLAR TIL UTGJEVING AV BOKA " I POLLERUDANE SITT RIKE"

Vedlegg:

Søknad om bygdeutviklingsmidlar - Utgjeving av boka "I Pollerudane sitt rike"

Kommunedirektøren sitt framlegg til vedtak:

Farfars Reklamebyrå, org. nr. 924576960, får tildelt inntil kr. 7 000,- i bygdeutviklingsmidlar til å delfinansiere trykking av boka "I Pollerudane sitt rike".

Løyvinga utgjer 47 % av søknadsbeløpet på kr. 15 000,-, og 20% av budsjetterte trykkekostnadar på kr. 35 000,-.

Vedtaket er fatta med bakgrunn i «Retningsliner for tilskot til bygdeutvikling». Løyvinga skal takast frå Bygdeutviklingsutvalet sine tilgjengelege midlar for 2021.

Tilskotet vert betalt ut etter innsending av sluttrapport med kostnadsdokumentasjon.

Løyvinga gjeld for 2 år frå og med vedtaksdato. Etter dette vert midlane trekte attende. Det kan søkjast om utsett frist for gjennomføring.

Forslag til vedtak ført inn i møteportalen av Ståle Hesjedal, Ap:

Farfars Reklamebyrå får ikkje tilskot til trykking av boka "Pollerudane" då dette fell utanfor bygdeutviklingsmidlane sine retningsliner

Bygdeutviklingsutvalet - Sak 28/2021

BYG - Behandling:

Utvalet drøfta saka.

Ståle Hesjedal, Ap la fram følgjande alternative forslag:

Farfars Reklamebyrå får ikkje tilskot til trykking av boka "Pollerudane" då dette fell utanfor bygdeutviklingsmidlane sine retningslinjer

Kommunedirektøren sitt framlegg til vedtak vart sett opp mot Ståle Hesjedal, Ap sitt framlegg til forslag. Ståle Hesjedal sitt framlegg til vedtak vart samrøystes vedteke.

BYG - Tilråding/Vedtak:

Farfars Reklamebyrå får ikkje tilskot til trykking av boka "Pollerudane" då dette fell utanfor bygdeutviklingsmidlane sine retningslinjer

Saksopplysningar:

Samandrag/konklusjon (kort om saka)

Bygdeutviklingsutvalet har kr. 210 000,- i tilskotsmidlar til fordeling ved søknadsomgangen i oktober 2020.

Farfar Reklamebyrå AS søker om kr. 15 000,- i tilskot til å definansiere trykking av boka «I Pollerudane sitt rike». Boka handlar om busetnad og gardsdrift på staden for nokre hundre år sidan. Prosjekter inngår som del av fleire planlagde tiltak for å formidle kulturhistoria i Pollerunden.

Farfars Reklamebyrå er ei kommersiell verksemd.

Kommunedirektøren går inn for å løyve inntil kr. 7 000,- i bygdeutviklingsmidlar til tiltaket, som er 47 % av søknadsbeløpet og 20 % av budsjettert trykkekostnad på kr. 35 000,-.

Framlegget til stønadsbeløp er gjort etter ei samla vurdering av innhaldet i søknaden, innkomne søknadar og tilgjengelege midlar. Nærare grunningving går fram under «vurdering og konsekvensar»

Bakgrunn for saka

Bygdeutviklingsutvalet forvaltar ei tilskotsordning for å fremje bygdeutvikling i kommunen, med inntil kr. 500 000,- til fordeling i 2021. Til møtet i november står det att kr. 210 000,- til disposisjon.

I søknad av 27.09.21 søker Farfars Reklamebyrå AS, v/ Leiv Magnus Grøtte, om kr. 15 000,- i bygdeutviklingsmidlar til trykking av boka "I Pollerudane sitt rike" (delfinansiering). Trykkinga er budsjettert til om lag kr. 35 000,-. Verksemda driv kommersiell aktivitet gjennom sal av varer og tenestar innan reklame, marknads- og kommunikasjonsrådgjeving.

Boka tek utgangspunkt i tanken om at det skal ha vore eit heilt lite samfunn under den mektige ura for nokre hundre år sidan. Dette har i følge søker vore lite kjend, og boka tek sikte på å fortelje om historia i området, og kvifor den no kjem til overflata.

Det går fram av søknaden at bokprosjektet er første del av planen om å løfte fram det nære og fasinerande området i dalebygda. Intensjonen vidare er å få til;

- musikkspel, med Polleruden som scene.
- tilrettelegging langs dagens turløype ("Den eventyrlege Polleruden").

Motivasjonen til søkjar, i tillegg til kulturformidling, er den aukande bruken av Polleruden som turområde. I dette høvet er ønsket å skape aktivitet og engasjement kring området, gjennom eit kulturprosjekt som gjev ringverknadar for dalebygda. Sjå prosjektsøknaden for nærare informasjon.

Formelt grunnlag

- Kommuneleva - generelle sakshandsamingsreglar.
- "Retningslinjer for tildeling av midlar frå Bygdeutviklingsutvalet", vedtekne 26.05.20:

<https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Vurdering og konsekvensar

Søknaden er i samsvar med bygdeutviklingsmidlane sine retningslinjer om innhald og kven som kan søkje om midlar (mellom anna verksemdar).

Retningslinjene seier at tilskotsordninga skal nyttast til føremål med ålmenn nytte, og stimulere til levande bygdeliv. Midlane skal kome mange til gode, skape trivnad og medverke til aktivitet som er tilgjengeleg for "alle". I dette høvet kan det gjevast midlar til materiell og utstyr til ulike prosjekt og stader. Det kan òg gjevast støtte til kurs og kompetanseutvikling, men ikkje til drift.

Kommunedirektøren vurderer at bokprosjektet kan vere litt på sida av føremålet med bygdeutviklingsmidlane, sidan søknaden handlar om trykkekostnader, og ikkje faktisk tilrettelegging. Men samstundes vil boka kunne skape lokalt engasjement og medvit kring ein kjend, omtalt og mykje nytta stad på Dale, og medverke til aktivitet i form av planlagde tilretteleggingstiltak i etterkant av boklanseringa, jf. idèane i søknaden. I dette høvet kan boka vere ein "utløysande faktor" for ytterlegare tilbod i området. Kommunedirektøren vurderer difor søknaden til å vere innanfor midlane sitt føremål.

Det er kome inn mange søknadar til gjeldande søknadsomgang, og samla søknadsbeløp er langt større enn tilgjengelege tilskotsmidlar. Ei prioritering er difor naudsynt.

Retningslinjene seier at det ved ei prioritering skal takast omsyn til geografisk spreiding av midlane, og om bygder har fått tilskot ved tidlegare høve. Det er gjev midlar til tiltak på Dale tidlegare, og bygda er representert i fleire søknadar til denne søknadsomgangen. Dette vert teke med som ein vurderingsfaktor.

Ut frå søkjar sin planlagde bruk av tilskotet, vert ikkje søknaden prioritert like høgt som finansiering av praktiske tilretteleggingstiltak.

Med bakgrunn i kriteria for løyving, tilgjengelege midlar og innkomne søknadar, er framlegget å løyve inntil kr. 7 000,- for å delfinansiere trykkekostnader med boka "I Pollerudane sitt rike". Dette utgjer 47% av søknadsbeløpet og 20 % av budsjetterte kostnader.

